

**PROGRAMA DE ACTUACIÓNS MUSICAIS  
A FAVOR DE GRUPOS DE MUSICA E DANZA TRADICIONAL, MASAS CORAIS,  
ORQUESTRAS, CONXUNTOS E BANDAS DE MUSICA de Carballo – ANO 2019**

### **1.- FINALIDADE E OBXECTO**

Este Programa ten por obxecto contribuír á promoción da música e do folclore que se desenvolve no noso Concello, difundir o labor que realizan as agrupacións musicais de persoas afeccionadas, así como colaborar coas diferentes entidades sen ánimo de lucro que ao longo do ano organizan diversos actos culturais en Carballo facilitándolles recursos que enriquezan as súas actividades.

Con esta finalidade, o Concello de Carballo ofértalle ás agrupacións musicais que teñan o seu domicilio social en Carballo e que realicen actividades sen ánimo de lucro, a posibilidade de realizar dúas actuacións musicais para asociacións culturais, de veciños/as, comisións de festas ou outras entidades culturais e sociais sen ánimo de lucro, que teñan o seu domicilio social en Carballo e que organicen e realicen actividades culturais que inclúan actuacións musicais. O Concello aboaralles ás agrupacións musicais participantes deste programa un máximo de dúas actuacións segundo os importes dos cachés que se establece no mesmo.

As actuacións deben realizarse no termo municipal de Carballo e deberán ser públicas e gratuítas, realizándose en actos de carácter cultural, prioritariamente, e non poderán ser utilizadas en actos políticos, privados ou con ánimo de lucro.

### **2.- CLASIFICACIÓN DAS AGRUPACIÓNS E IMPORTE DAS ACTUACIÓNS**

O Concello clasificará ás agrupacións solicitantes en función das súas características e do número de compoñentes que as integran, de acordo coa seguinte distribución. A cada categoría corresponderalle o cache que se determina:

- Grupos de música e danza tradicional  
(mínimo de 12 compoñentes)..... 350€
- Grupos de gaitas ou formacións similares  
(mínimo de 4 compoñentes) ..... 260€
- Grupos de cantareiras (mínimo de 4 compoñentes) ..... 260€
- Masas corais (entre 10 e 29 compoñentes)..... 260€
- Masas corais(a partir de 30 compoñentes) ..... 425€
- Orquestras, conxuntos e bandas de música  
(mínimo de 4 compoñentes) ..... 350€

Os anteriores importes terán os impostos incluídos.

### **3.- SOLICITANTES**

Agrupacións musicais: Poderán solicitar a súa inclusión neste programa as agrupacións musicais que teñen o seu domicilio social en Carballo e as súas actividades non persigan finalidades estritamente de lucro, ou ben que se obteñen beneficios, que estes revertan en actividades culturais.

A porcentaxe de membros que pertencen a máis dunha agrupación dentro da mesma modalidade deberá ser inferior ao 50%, e, independentemente da modalidade, un compoñente non pode

pertencer a máis de dúas agrupacións. No caso de integrantes menores de idade deberá indicarse a data de nacemento.

Solicitantes de actuacións: Poderán solicitar actuacións das agrupacións asinantes deste programas asociacións, comisións de festas ou outras entidades culturais e sociais sen ánimo de lucro que teñen o seu domicilio social en Carballo e que organicen e realicen actividades culturais que inclúan actuacións musicais.

#### **4.- CARACTERÍSTICAS DAS ACTUACIÓNS INCLUÍDAS NO PROGRAMA**

Numero de actuacións por agrupacións: As agrupacións musicais admitidas neste programa, deberán realizar dúas (2) actuacións durante o período establecido no mesmo, segundo as solicitudes presentadas polas entidades culturais e nos lugares que determine o Concello de Carballo.

Lugar de actuación: Co fin de fomentar o máximo intercambio e coñecemento das distintas agrupacións do Concello, as actuacións realizaranse fóra da parroquia na que estean domiciliadas as agrupacións musicais.

Se as agrupacións pertencen a unha entidade entenderase como domicilio da agrupación o da dita entidade e, no caso de que o grupo non forme parte de ningunha entidade, considerarase que o domicilio do grupo é o da maioría dos membros que a integran. No caso de agrupacións musicais con sede no casco urbano de Carballo, a limitación do lugar de actuación circunscribirase ao barrio no que está domiciliada a agrupación.

Amplificación: As agrupacións deberán aportar os instrumentos musicais que precisan, así como a amplificación mínima para realizar a actuación. Se o espazo onde se realiza require dunha amplificación especial, esta será responsabilidade da entidade organizadora da actividade.

Duración da actuación: O tempo mínimo de duración da actuación será de 30 minutos para todas as agrupacións participantes, excepto para os grupos de gaitas, que deberán actuar durante un mínimo de 50 minutos. No caso de que o tempo de actuación tivera que ser inferior ao establecido deberá comunicárselle ao Concello de Carballo o motivo, que poderá autorizar ou non a realización da actuación.

#### **5.- SOLICITUDE DE INCLUSIÓN DE AGRUPACIÓNS MUSICAIS NO PROGRAMA DE ACTUACIÓNS**

Solicitud: As agrupacións musicais que desexen participar no presente programa, deberán solicitar a súa inclusión presentando no Rexistro Xeral do Concello de Carballo unha solicitude na que se incluírán o seguintes datos:

- a) Nome, enderezo, teléfono, enderezo electrónico e CIF da agrupación solicitante.
- b) Nome e apelidos do representante da agrupación, CIF e enderezo para os efectos de notificación, teléfono e enderezo electrónico.
- c) Número de membros da agrupación, tipo de agrupación (segundo a tipoloxía establecida neste Programa) e declaración de compoñentes da agrupación asinante, con indicación do seu DNI, enderezo e, no caso de ser menor de idade, indicarse a data de nacemento. )
- d) Lugar, data e sinatura da persoa solicitante.
- e) Declaración conforme se esta ao corrente nas súas obrigas co Concello de Carballo, a Seguridade Social e a Axencia Tributaria.

Prazo: O prazo de presentación destas solicitudes será de 10 días hábiles contados desde o día seguinte na publicación no sitio web do concello de Carballo do anuncio de adhesión ao presente Programa.

## **6.- CRITERIOS DE SELECCIÓN DAS AGRUPACIÓNS ASINANTES DO PROGRAMA**

Co obxecto de cumprir coa finalidade deste Programa e para garantir o correcto funcionamento do mesmo, se o número de solicitudes de agrupacións musicais que queren participar no Programa supera o presuposto dispoñible, a Concellería de Cultura poderá priorizar as solicitudes e seleccionalas atendendo ás necesidades ou demandas previsibles de actuacións e á distribución equitativa entre as distintas modalidades de grupos, para o que se valorará que as agrupacións musicais pertencen a entidades culturais e a participación activa das agrupacións nos programas de actividades das entidades, asimismo, que as agrupacións teñan como mínimo o 50% dos membros empadroados no Concello de Carballo e a antigüidade, traxectoria e currículo do grupo e/ou dos seus compoñentes.

## **7.- SOLICITUDES DE ACTUACIÓNS DO PROGRAMA MUSICAL**

A agrupación musical deberá presentar nos prazos correspondentes as solicitudes e os certificados de actuación.

Lugar e prazo de solicitude: As solicitudes de actuación deberán presentarse no Rexistro Xeral do Concello de Carballo no prazo mínimo de 15 días hábiles antes da celebración da actuación e, en todo caso, antes do 30 de setembro.

Limitacións para a solicitude de actuacións: Co obxecto de distribuír territorialmente e entre as entidades solicitantes as actuacións ademais de ter en conta o interese cultural e social da actuación só se autorizará unha actuación do Programa por cada evento -independentemente da súa duración ou programa e actividades- e esta deberá realizarse nunha parroquia distinta á do ano anterior, así como fóra da parroquia na que estén domiciliadas as agrupacións musicais.

No impreso de solicitude, que proporcionará o Concello de Carballo, incluíranse os seguintes datos:

- a) Nome, enderezo e CIF da entidade solicitante.
- b) Nome e apelidos do representante da asociación, CIF e enderezo para os efectos de notificación.
- c) Lugar, data, hora, motivo da actuación, duración e sistema de acceso á actuación.
- d) Programa de actos previsto, outras agrupacións asinantes deste programa que teñen previsto solicitar para o mesmo acto.
- e) Conformidade da agrupación musical coa realización da actuación.
- f) Lugar, data e sinatura da persoa solicitante.

No caso de non celebrar a totalidade das actuacións, tanto por falta de solicitudes ou por outras causas non xustificadas, o Concello resérvase o dereito de distribuír as actuacións onde considere máis axeitado ou mesmo que estas non se celebren.

## **8.- AUTORIZACIÓN PARA A REALIZACIÓN DE ACTUACIÓNS DO PROGRAMA DE ACTUACIÓNS MUSICAIS**

Unha vez presentada a solicitude da actuación, e antes da realización da mesma, a Concellería de Cultura deberá autorizar a súa realización.

A autorización desta actuación estará condicionada ao cumprimento das cláusulas establecidas neste programa, así como a criterios de distribución territorial e entre entidades solicitantes das actuacións, e ao interese cultural e social da actividade para a que se solicita a actuación.

## CONCELLO DE CARBALLO

C.I.F.: P1501900C  
Praza do Concello S/N  
Teléfono 981 70 41 00  
www.carballo.gal  
infocarballo@carballo.gal  
15100 CARBALLO - A Coruña



2019/X999/000269  
Exp. 2019/G006/000107

Excepcionalmente e previa solicitude por escrito, e ante motivos de interese xeral, a Concellaría de Cultura poderá autorizar actuacións solicitadas cun prazo inferior ao establecido, a realización de máis dunha actuación por evento e/ou día, ou na mesma parroquia á que pertence a agrupación musical ou na mesma parroquia que en anos anteriores.

Praza para a autorización da actuación: Dez (10) días despois da presentación da solicitude da actuación, as agrupacións musicais deberán consultar á Concellaría de Cultura, se teñen a autorización para realizar a actuación.

### 9.- DOCUMENTACIÓN XUSTIFICATIVA

Unha vez realizada cada actuación, a efectos de que o Concello de Carballo aboe á agrupación musical o importe das actuacións realizadas, as agrupacións asinantes do Programa deberán presentar no Rexistro Xeral do Concello de Carballo a factura da agrupación musical emitida pola persoa xurídica á que pertence ou pola persoa física que a represente á que a nome do Concello de Carballo polo importe correspondente á actuación realizada, segundo o tipo de agrupación e os importes previstos na Base 2 deste Programa, indicando o número de conta bancaria para realizar o aboamento da actuación. A factura presentarse co detalle dos impostos que sexan de aplicación en cada caso.

Esta factura deberá vir acompañada de:

- Certificado da actuación expedido pola entidade solicitante, e coa conformidade da agrupación musical, segundo modelo proporcionado polo Concello. A Concellaría de Cultura comprobará que as actuacións cumpren cos requisitos establecidos neste programa.

No caso de non telo entregado con antelación, certificado bancario que acredite a titularidade da conta e o IBAN da mesma.

- Autorización para que o Concello de Carballo poida obter a certificación acreditativa de que a entidade está ao corrente nas súas obrigas coa Axencia Tributaria, ou presentación do certificado da Axencia Tributaria.

- O Concello comprobará de oficio que a entidade está ao corrente nas súas obrigas tributarias co Concello de Carballo.

### 10.- PRAZOS DE PRESENTACIÓN DA DOCUMENTACIÓN

- No prazo de 1 mes despois da realización da actuación.

- Se a actuación se realizara despois do 16 de outubro, o certificado de actuación deberá presentarse de forma inmediata e, en todo caso, ata o 15 de novembro.

### 11.- OBRIGAS DAS ENTIDADES PARTICIPANTES

**11.1.-** As entidades ou agrupacións musicais admitidas neste adheridas ao presente Programa estarán obrigadas a:

- a) Realizar durante o período establecido do ano 2019 un máximo de dúas (2) actuacións, segundo as solicitudes presentadas, nos lugares que determine o Concello, dando preferencia a estas actuacións sobre calquera outro compromiso adquirido, segundo as condicións que se establecen no programa. Dez (10) días naturais despois de presentada a solicitude da actuación, deberán solicitar á Concellaría de Cultura a autorización para realizar a actuación solicitada.

- b) Expedir facturas legais polas actuacións realizadas.

- c) Facer constar nos materiais de difusión e publicidade a financiación do Concello de Carballo, acompañada, se procede, do logotipo correspondente, nun lugar e tamaño destacado con respecto a outros posibles colaboradores.

- d) No caso de que se realice, o material gráfico correspondente á publicidade da actividade (carteis, revistas...) estará redactada en galego.
- e) Colaborar no seguimento ou solicitude de información que realice o Concello.
- f) Estar ao corrente nas súas obrigas co Concello de Carballo, a Seguridade Social e a Axencia Tributaria.

**11.2.-** As entidades solicitantes de actuacións estarán obrigadas a:

- a) Proporcionar locais ou instalacións adecuadas para a realización da actuación e cubrir os riscos de accidentes ou os de responsabilidade civil que se poidan derivar da realización das actuacións.
- b) Organizar as actuacións velando polo seu correcto desenvolvemento.
- c) Realizar a difusión da actividade, facendo constar nos materiais de difusión e publicidade a financiación do Concello de Carballo, acompañada se procede, do logotipo correspondente, nun lugar e tamaño destacado con respecto a outros posibles colaboradores.
- d) Expedir o documento acreditativo da realización das actuacións.
- e) No caso de que se realice, o material gráfico correspondente á publicidade da actividade (carteis, revistas...) estará redactada en galego.
- f) Colaborar no seguimento ou solicitude de información que realice o Concello.
- g) Estar ao corrente nas súas obrigas tributarias e facerse cargo do pago dos Dereitos de Autor xerados na actuación.

## **12.- RESOLUCIÓN**

**12.1.-** As solicitudes presentadas serán valoradas de acordo cos criterios especificados neste Programa.

**12.1.-** A relación de entidades participantes neste Programa farase pública.

**12.3.-** O pagamento das actuacións realizarase mediante transferencia bancaria, unha vez que a agrupación musical presentade no Rexistro Xeral do Concello a documentación xustificativa.

## **13.- REVISIÓN E ANULACIÓN**

En caso de incumprimento das obrigas por parte das entidades participantes, o Concello procederá á anulación total ou parcial do pagamento das actuacións.

## **14.- FIN DA VÍA ADMINISTRATIVA**

O acto de resolución esgota a vía administrativa. De acordo co artigo 123, da Lei 39/2015 de 1 de outubro, poderase interpor recurso potestativo de reposición, ante o alcalde do Concello de Carballo, no prazo dun mes que comezará a contar desde o día seguinte ao da recepción desta notificación ou ben directamente de recurso contencioso-administrativo ante o Xulgado do Contencioso-Administrativo da Coruña.

## **15.- OUTRAS DISPOSICIÓNS**

**15.1.-** O Concello quedará exento de calquera responsabilidade civil, mercantil, laboral ou de calquera outra derivada das actuacións ás que estean obrigadas as persoas ou entidades destinatarias do Programa.

## CONCELLO DE CARBALLO

C.I.F.: P1501900C  
Praza do Concello S/N  
Teléfono 981 70 41 00  
www.carballo.gal  
infocarballo@carballo.gal  
15100 CARBALLO - A Coruña



2019/X999/000269  
Exp. 2019/G006/000107

**15.2.-** De acordo co establecido pola normativa vixente en materia de protección de datos, informámoslle de que o Responsable de Tratamento dos seus datos persoais é CONCELLO DE CARBALLO, con dirección en PRAZA DO CONCELLO S/N, 15100 - CARBALLO (A CORUÑA); lopd@carballo.gal.

1.- DPO: O Delegado de Protección de Datos do CONCELLO DE CARBALLO é Servizos de Adaptación Continua en Protección de Datos RB, S.L. có que poderá contactar en lopd@carballo.gal.

2.- Finalidade do tratamento: Os datos serán utilizados para facerlle partícipe no programa promocionado nas presentes bases, así como para levar a cabo a xestión administrativa derivada de dita participación.

O feito de que non nos facilite parte da información solicitada poderá supoñer a imposibilidade de participar no programa descrito e organizado polo CONCELLO DE CARBALLO.

3.- Uso de imaxes e difusión de datos persoais: Con fins meramente culturais e có obxecto de promocionar ós participantes no programa organizado polo Concello e favorecer a súa contratación por parte de terceiros, gustaríanos que nos autorizase para publicar as súas imaxes (fotografía e vídeo) tomadas durante as súas actuacións así como os datos do seu grupo, representante e teléfono de contacto nas nosas Redes Sociais e/ou páxina web <http://carballo.gal>.

4.- Prazo de conservación: os datos facilitados conservaranse mentres non se solicite a supresión dos mesmos e, en calquera caso, durante o tempo necesario para dar cumprimento ás obrigas administrativas. 009 - CONCELLO DE CARBALLO rb soluciones ® consultores en protección de datos – lopd@rbsoluciones.com

5.- Lexitimación: Este tratamento de datos persoais está lexitimado en base á súa participación no programa descrito ó concurso.

Para o uso de fotografías/vídeos e difusión dos datos do seu grupo, representante e teléfono de contacto, a lexitimación baséase no seu consentimento. Por eso non poderemos utilizar os seus datos persoais con esos fins salvo que vostede marque a casa na que nos outorga o seu consentimento.

6.- Destinatarios de cesións: CONCELLO DE CARBALLO non cederá os seus datos de carácter persoal a terceiras empresas.

7.- Dereitos: Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos así como opoñerse ou retirar o consentimento en calquera momento e solicitar a portabilidade dos mesmos. O CONCELLO DE CARBALLO dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, nas nosas instalacións ou por correo electrónico en lopd@carballo.gal, sempre acompañados dunha copia do seu DNI para acreditar a súa identidade.

## 16.- DISPOSICIÓN TRANSITORIA

Poderáanse autorizar actuacións xa realizadas durante o ano 2019 polas agrupacións musicais incluídas neste programa anteriores á aprobación do mesmo, previo acordo coa agrupación musical e coa entidade solicitante e organizadora da actividade, se se considera de interese cultural e xeral para o Concello de Carballo. Nese caso, a agrupación musical deberá entregar no Rexistro Xeral do Concello a solicitude de actuación de maneira inmediata á comunicación por parte do Concello da súa inclusión neste programa, e entregará o certificado da mesma unha vez que a Concellería de Cultura lle comunique a aceptación da actuación.

As actuacións previstas para unha data anterior aos 20 días desde a comunicación por parte do concello da súa inclusión neste Programa, poderán solicitarse, sempre que cumpran co resto dos requisitos establecidos, cun prazo de solicitude mínimo de 3 días hábiles antes da actuación.